

Concello de As Somozas

Decreto da Alcaldía

Asunto: Aprobación de convenio de colaboración coa Unión Deportiva Somozas.
Expediente: 329/2023

Antecedentes:

Con data do 29.12.2023 publicouse no BOP n.º 247 o anuncio de aprobación definitiva do orzamento deste Concello de As Somozas para 2023. Na Base 40ª, relativa a subvencións, inclúense as subvencións nominativas que se preve conceder durante este exercicio a diferentes entidades sen ánimo de lucro. Entre elas figura á Unión Deportiva Somozas, cun importe previsto de 250.000,00 €, con cargo á aplicación orzamentaria 341-48000. Esta entidade ven recibindo aportacións económicas por esta mesma vía dos convenios reguladores de subvencións nominativas, e por este mesmo importe, nos últimos exercicios orzamentarios, para o mantemento da súa actividade deportiva de competición na liga nacional.

A entidade presentou no rexistro do Concello, con data do 21.03.2024 solicitude de sinatura do convenio previsto no orzamento municipal, para poder facer fronte ás obrigas económicas derivadas da súa participación na liga de terceira división.

Informe de fiscalización favorable de data 21.03.2024

Lexislación aplicable

Lei 7/1985 de Bases de Réxime local

Lei 38/2003, de 17 de novembro, Xeral de Subvencións.

Decreto 887/2006, de 21 de xullo, polo que se aproba o Regulamento da Lei 38/2003, de 17 de novembro, xeral de Subvencións

Lei 9/2007, de 13 de xuño, de subvencións de Galicia.

Vistos os referidos antecedentes, e en exercicio das competencias atribuídas á Alcaldía na lexislación vixente, mediante o presente

Resolvo:

1º.- Aprobar o Convenio de colaboración entre o Concello de As Somozas e a Unión Deportiva Somozas para 2024, segundo o texto que figura como anexo deste acordo .

2º.- Dispor que se notifique o contido da presente Resolución á Unión Deportiva Somozas e que de dea conta ó Pleno do Concello na primeira sesión que se celebre.

3º.- Aprobar o gasto polo importe de 250.000,00 €, indicado no convenio, e dispor o seu pagamento no momento que se xustifique estar ao corrente das súas obrigas tributarias e coa seguridade social , con carácter de anticipo prepagable a xustificar polo beneficiario, nas condicións e prazos indicados no propio convenio, con cargo á aplicación orzamentaria 2024-341-48000.



Concello de As Somozas

Asinada dixitalmente polo alcalde, Juan Alonso Tembrás; do que eu, secretaria-interventora municipal, Paula Diaz Tie , dou fe.

Anexo :**CONVENIO DE COLABORACIÓN ENTRE O CONCELLO DE AS SOMOZAS E A UNIÓN DEPORTIVA SOMOZAS**

As Somozas,

REUNIDOS:

Dunha parte, o Alcalde-presidente do Concello das Somozas, Juan Alonso Tembrás, asistido pola Secretaria-interventora, Paula Diaz Tie , que actúa como fedataria da formalización do presente convenio, no exercicio da función de fe pública, de conformidade co que dispón o artigo 2.i) do Real Decreto 128/2018, de 16 de marzo, polo que se regula o réxime xurídico dos funcionarios da administración local con habilitación de carácter nacional.

E doutra parte Juan Félix Alvareño Permuy con DNI 76401230Z, en calidade de Vicepresidente e representante da Unión Deportiva Somozas, con sede social no lugar de Iglesia - 15565 As Somozas , na localidade de As Somozas e CIF: G15473283

Previa manifestación do Sr. Landrove de subsistencia do cargo co que actúa así como das facultades das que fai uso, as partes participantes recoñécense mutuamente a capacidade suficiente para a válida celebración deste convenio.

MANIFESTAN:

Primeiro.- Que o Concello das Somozas considera de interese xeral e ten como obxectivo proporcionar alternativas vinculadas ao eido deportivo como unha medida preventiva e de integración social . Nesta liña, o concello pretende a promoción da práctica do deporte aficionado no termino municipal.

Segundo. - Que a Unión Deportiva Somozas organiza actividades de fútbol neste termino municipal.

Terceiro.- Que no seu artigo 25, a Lei 7/1985 , de 2 de abril, reguladora das Bases do Réxime Local, atribúeselle aos concellos , entre outras, a competencia para a promoción do deporte, instalacións deportivas e ocupación do tempo libre.

Para a consecucion destes obxectivos, o Concello das Somozas busca liñas de cooperación coas distintas entidades sociais que teñan entre as súas funcións estes mesmos fins, e desenvolverá os programas necesarios para a execución da política municipal neste ámbito.

En virtude do exposto, as partes que interveñen acordan formalizar o presente Convenio de colaboración, de conformidade coas seguintes:

CLAÚSULAS:

I.- OBXECTO.

O presente convenio ten por obxecto establecer as bases de colaboración entre o Concello de As Somozas e a Unión Deportiva Somozas (en adiante entidade beneficiaria), para o



Concello de As Somozas

financiamento da promoción do fútbol, favorecendo a formación e ocupación do tempo libre dos habitantes deste termino municipal.

O Club de Fútbol Unión Deportiva Somozas organiza actividades de fútbol neste termino municipal.

O obxecto do presente convenio é colaborar co financiamento dos gastos correspondentes a fomentar o deporte e a participación da entidade deportiva Unión Deportiva Somozas no campeonato de liga de 3º división no que participa.

II.- COMISIÓN DE SEGUIMIENTO

Para o seguimento deste convenio e dous seus fins poderá crearse unha Comisión Mixta de Seguimento, de carácter paritario, na que estarán representados, por parte do Concello das Somozas o Alcalde e o primeiro tenente de alcalde, e por parte da entidade beneficiaria, o tesoureiro e o secretario, representantes da xunta directiva da entidade.

As funcións desta comisión concrétaranse en:

- Facer un seguimento do cumprimento dos compromisos contemplados nas cláusulas deste convenio.
- Revisar os acordos actuais e dar o visto e prace ás addendas que puidesen sumarse a este acordo.
- Representar os intereses do Concello das Somozas e da entidade beneficiaria relativos ao contido deste convenio ante as institucións públicas ou privadas coas que sexa preciso relacionarse para a consecución dos obxectivos.
- Formular cantas propostas sexan necesarias para enriquecer e mellorar o obxecto deste convenio.

III.- COMISIÓN TÉCNICA

Poderá crearse tamen unha Comisión Técnica de Traballo, tamén paritaria, que será designada pola Comisión de Seguimento. Esta comisión terá as seguintes funcións:

- Coordinar tecnicamente as accións a implementar para dar cumprimento aso fins deste convenio.
- Elevar cantas propostas técnicas sexan necesarias á Comisión Mixta de seguimento para enriquecer e mellorar o obxecto deste convenio.

IV.- COMPROMISOS DAS PARTES

1.- O Concello de As Somozas comprométese a :

- a) Facilitar os recursos humanos da Comisión Técnica de traballo prevista
- b) Realizar unha achega económica por importe máximo de 250.000,00 € (douscentos cincuenta mil euros), destinada ó financiamento dos gastos correspondentes para fomentar o deporte e a participación da entidade deportiva Unión Deportiva Somozas no campeonato de liga de 3º división no que participa.



Concello de As Somozas

2.- A entidade beneficiaria, pola súa banda, adquire os seguintes compromisos:

a) Desenvolver a actividade deportiva de fútbol ao longo das tempadas 2023/2024 e 2024/2025.

b) Dar publicidade o financiamento deste concello de acordo co establecido na Claúsula VII.

c) Realizar durante a anualidade 2024 as actividades comprendidas na solicitude de subvención formulada diante do Concello.

V.- FINANCIAMENTO MUNICIPAL E OUTROS INGRESOS QUE SE OBTENAN OU APORTEN PARA A MESMA FINALIDADE.

1.O Concello das Somozas contribuirá ao financiamento da actividade realizada pola entidade beneficiaria cunha achega máxima de 250.000,00 euros. No caso de que o gasto xustificado non acadase o importe total da achega concedida, o Concello só alcanzará o importe da cantidade efectivamente xustificada.

2.- A subvención do Concello das Somozas é compatible coa percepción doutras subvencións ou axudas públicas ou privadas, que a entidade beneficiaria obteña para a mesma finalidade, sempre que o seu importe, conxuntamente co da subvención municipal, non supere en ningún caso o importe total do gasto efectivamente xustificado.

VI.- GASTOS SUBVENCIONABLES. CONTRATACIÓN E EXECUCIÓN.

Consideranse gastos subvencionables aqueles que de maneira indubitada respondan á natureza da actividade mencionada, resulten estrictamente necesarios e se realicen no prazo establecido neste convenio. Os gastos financeiros, os gastos de asesoría xurídica ou financeira, os gastos notariais e rexistrais son subvencionables se están directamente relacionados coa actividade subvencionada e son indispensables para a adecuada preparación ou execución da mesma, En ningún caso serán gastos subvencionables: Os intereses debedores das contas bancarias. Intereses, recargas e sancións administrativas e penais e gastos de procedementos xudiciais.

O outorgamento dos contratos de servizos, asistencia ou subministros necesarios para a execución da actividade corresponderalle á entidade beneficiaria. Non se poderá contratar a realización de prestacións con persoas ou entidades vinculadas á entidade beneficiaria, nin con calquera outra na que concorra algunha das circunstancias ás que se refire o artigo 29.7 da Lei 38/2003, de 17 de novembro, Xeral de subvencións.

Cando o importe do gasto subvencionable supere as contías establecidas na Lei 30/2007, do 30 de outubro, de Contratos do Sector público para o contrato menor, o beneficiario deberá solicitar como mínimo tres ofertas de diferentes provedores, con carácter previo á contracción do compromiso para a obra, a prestación do servizo ou a entrega do ben, salvo que polas súas especiais características non exista no mercado suficiente número de entidades que os realicen, presten ou suministren, ou salvo que o gasto realiceise con anterioridade á subvención. A elección entre as ofertas presentadas, que deberán achegarse na xustificación da subvención, realizarase conforme a criterios de eficiencia e economía, debendo xustificarse expresamente nunha memoria a elección cando non recaia na proposta económica máis vantaxosa



Concello de As Somozas

VII.- PUBLICIDADE DO FINANCIAMENTO LOCAL E COMPROMISO DO USO DA LINGUAXE NON SEXITA E DA LINGUA GALEGA

1. Na publicidade na que se dea a coñecer a realización das actividades, ben sexa por medios escritos, radiofónico, audiovisuais ou internet, deberase facer constar sempre o financiamento do Concello de As Somozas
2. En cumprimento do disposto no artigo 3 da Lei 19/2013 de transparencia ,as entidades privadas que perciban durante o período dun año axudas ou subvencións públicas nunha cuantía superior a 100.000 euros deberán contar cun portal de transparencia con publicidade activa que inclua toda a a informacion e requisitos establecidos no capitulo II da Lei 19/2013
3. A entidade beneficiaria, nas súa comunicacións e publicidade, comprométese ao uso da lingua galega e á utilización da linguaxe non sexista.
4. Coa memoria e conta xustificativa achegaranse documentos que acrediten o cumprimento destas obrigas da entidade beneficiaria .

VIII.- A XUSTIFICACIÓN NECESARIA PARA RECIBIR A ACHEGA LOCAL.

A subvención farase efectiva nun único pagamento de 250.000,00 euros, con carácter prepagable, coa finalidade de acadar o financiamento necesario para poder levar a cabo as actuacións inherentes á mesma, sen que, dado o seu importe, sexa necesario que o beneficiario constitutúa garantía algunha.

Para xustificar o importe subvencionado, a entidade beneficiaria deberá achegar, antes do 30 de decembro de 2024, a seguinte documentación:

- Memoria da actuación, subscrita polo representante legal da entidade beneficiaria, xustificativa do cumprimento das condicións impostas neste convenio, coa indicación das actividades realizadas e dos resultados obtidos.
- Relación clasificada dos gastos realizados nos conceptos financiados, na que se indiquen os acredores co seu NIF /CIF, os documentos xustificativos e os importes e datas de pago. Con esta relación achegaranse os orixinais ou copias debidamente cotexadas das facturas e demis xustificantes de gasto. As datas dos xustificantes do gasto deberán estar comprendidas entre a data de inicio e fin do período de execución das actividades establecido na Cláusula IX.
- Acreditación do cumprimento das obrigas tributarias e coa Seguridade Social, segundo o previsto na Cláusula X
- Declaración doutras axudas ou subvencións solicitadas ou concedidas para a mesma finalidade. No caso de percibir outras axudas ou subvencións, haberá de acreditar que as axudas ou subvención percibidas non superan o gasto realizado.
- Certificación da conta bancaria, onde se ingresará a axuda.
- Proba do cumprimento das obrigas asumidas na Cláusula VII, mediante a achega de documentos nos que conste a publicidade do financiamento municipal asi como a acreditacion de ter operativa o portal da transparencia .



Concello de As Somozas

- Presentar, dentro do prazo establecido no presente Convenio, conta xustificativa da subvención recibida, xunto coa documentación acreditativa das actividades realizadas, das comprendidas na memoria de actividades presentada, que incluírá facturas expedidas en legal forma comprensivas da totalidade dos gastos realizados, no modelo que forma parte do presente Convenio como Anexo.

A vista da documentación xustificativa presentada pola entidade beneficiaria, os responsables da unidade xestora emitirán un informe acreditativo da realización da actividade e do cumprimento da finalidade que determinou a concesión da subvención.

IX.- TERMO PARA A REALIZACIÓN DAS ACTIVIDADES E PRAZO DE XUSTIFICACIÓN.

1. O obxecto deste convenio deberá estar executado antes do vencemento do período de vixencia do presente convenio establecido na Cláusula XV.
2. De conformidade co disposto no artigo 70.3 do Regulamento da Lei de Subvencións (Real Decreto 887/2006, do 21 de xullo), transcorrido este derradeiro prazo sen que se teña recibido xustificación ningunha, a unidade xestora remitiralle un requirimento á entidade beneficiaria para que a presente no prazo improrrogable de quince días. A falla de xustificación da subvención neste prazo excepcional implicará a perda da subvención e demais responsabilidades previstas neste convenio e na lexislación aplicable ao respecto. Aínda así, a presentación da xustificación neste prazo adicional non eximirá á entidade beneficiaria da sanción que, de conformidade co disposto na Lei d subvencións, lle poida corresponder.
3. O abono da subvención materializarase mediante ingreso na conta da entidade financeira indicada pola entidade beneficiaria na documentación aportada.

X.- ACREDITACIÓN DO CUMPRIMENTO DAS OBRIGAS TRIBUTARIAS E COA SEGURIDADE SOCIAL

1. A entidade beneficiaria deberá acreditar, con carácter previo ao pagamento da subvención, que se atopa ao día no cumprimento das obrigas tribuarias coa Administración do Estado, coa Seguridade Social e co Concello. E para tal fin poderá autorizar ao Concello de As Somozas a que obteña telemáticamente os correspondentes certificados.
2. A acreditación do cumprimento das obrigas tributarias co Concello das Somozas determinarase de oficio por este.

XI.- DESTINO E MANEXO DOS FONDOS RECIBIDOS

1. A entidade beneficiaria destinará os fondos recibidos ao pagamento dos xustificantes de gasto presentados.
2. Co fin de garantir un axeitado control da aplicación dos fondos, o pagamento deberá quedar acreditado documentalmente mediante a utilización de transferencia bancaria, tarxeta de débito ou crédito, cheque nominativo ou calquera outro medio que deixe constancia de data de pago e da identidade do perceptor.
3. Sen perxuízo dos libros e rexistros contábeis que as normas xerais ou sectoriais lle poidan impor, a entidade beneficiaria deberá contar polo menos cun rexistro cronolóxico de cobros e pagamentos nos que se inclúan, entre outros, os relativos aos gastos xustificandos e



Concello de As Somozas

aos ingresos declarados con respecto a esta subvención.

XII.- CONTROL FINANCIERO DO CONCELLO DAS SOMOZAS E DOS ÓRGANOS DE CONTROL EXTERNO.

1. Consonte ao disposto nos artigos 44 e seguintes da Lei 38/2003, de 17 de novembro, xeral de Subvencións, e nos artigos 41 e seguintes da Lei 9/2007, de 13 de xuño, de Subvencións de Galicia, a entidade beneficiaria poderá ser escollida pola intervención municipal para a realización dun control financeiro sobre a subvención pagada, co fin de acreditar a efectiva aplicación dos fondos á finalidade para a que foron concedidos, o correcto financiamento da actividade e o cumprimento de tódalas demais obrigas formais e materiais que lle impón o presente convenio de colaboración.

2.- Asemade, de acordo co previsto na Lei 6/1985, de 24 de xuño, do Consello de Contas de Galicia, a entidade beneficiaria queda sometida aos procedementos de fiscalización que leven a cabo o Consello de Contas de Galicia ou, no seu caso, segundo o previsto na Lei orgánica 2/1982, de 12 de maio, aos procedementos de axuízamento contable que poida incoar o Tribunal de Contas, e a calquera outro órgano de control, nacional ou europeo.

XIII.- REINTEGRO, INFRACCIÓNS E SANCIÓNS.

1. O incumprimento dalgunha das cláusulas previstas no presente convenio de colaboración poderá implicar a obriga de reintegro parcial ou total dos fondos recibidos, así como ao pago dos xuros de demora que se devenguen o día no que se realizou o pago ata o momento no que se acorde a procedencia do reintegro.

2. Sen perxuízo do anterior, dito incumprimento tamén poderá ser constitutivo dalgunha das infraccións tipificadas na Lei 38/2003, de 17 de novembro, ou na Lei 9/2007 de 13 de xuño, de subvencións de Galicia, séndolle de aplicación o cadro de sancións previstos nas normas citadas.

XIV.- INCORPORACIÓN AO REXISTRO PÚBLICO DE SUBVENCIONS E PUBLICACIÓN DA SUBVENCIÓN CONCEDIDA.

No cumprimento do disposto no artigo 20 da Lei 38/2003, xeral de subvencións, e demais normativa de desenvolvemento, os datos da subvención concedida e a identificación da entidade beneficiaria serán remitidas á Intervención xeral do Estado, para que sexan incorporadas á Base de Datos Nacional de Subvencións, coa exclusiva finalidade prevista en dito precepto e co debido respecto á protección dos datos de carácter persoal, segundo o previsto na Lei orgánica 15/1999, de 13 de decembro.

XV.- VIXENCIA DO CONVENIO E MODIFICACIÓN

1. O presente convenio de colaboración producirá efectos desde a súa sinatura e conservará a súa vixencia ata o día 31 de decembro de 2024. A efectos de xustificación, o periodo do gasto comprende a totalidade do exercicio 2024.

2. Tamén por acordo expreso de ambas as dúas partes e por causa debidamente xustificada, e previos os mesmos informes indicados no apartado anterior, o convenio poderá ser obxecto de modificación.

XVI.- NATUREZA, INTERPRETACIÓN, MODIFICACIÓN E XURISDICCIÓN COMPETENTE



Concello de As Somozas

1. O presente convenio ten natureza administrativa e para resolver as dúbidas que xurdan na interpretación das súas cláusulas aplicaranse as disposicións contidas na Lei 38/2003, de 18 de novembro, xeral de Subvencións, e na Lei 9/2007, de 13 de xuño, de Subvencións de Galicia. Supletoriamente aplicarase a lexislación de contratos do sector público.

2. A interpretación das dúbidas e lagoas que poidan xurdir na aplicación do presente convenio corresponderalle ao Alcalde do Concello, previos os informes técnicos oportunos.

3. Corresponderalle aos órganos de xurisdición contencioso-administrativa, segundo a distribución de competencias prevista na Lei 29/1988, de 13 de xullo, reguladora de dita xurisdición, o coñecemento das cuestións litixiosas que poidan xurdir como consecuencia do presente convenio.

ANEXO:

CONTA XUSTIFICATIVA DE SUBVENCIÓN MUNICIPAL PARA 2024

ENTIDADE SOLICITANTE: _____

REXISTRO MUNICIPAL DE ASOCIACIÓNS Nº ____

Don/Dona _____, con documento de identidade nº _____ como representante da entidade _____, na súa condición de presidente/a da mesma,

DECLARO:

A) Que se lle concedeu unha subvención nominativa, mediante convenio asinado con data do _____, para as actividades e/ou investimentos recollidos na solicitude oportunamente presentada, e que durante o periodo indicado nese convenio, realizáronse os gastos que se relacionan na seguinte conta xustificativa:

Número	Proveedor	CIF	Nº de factura	Concepto	Importe
				TOTAL	

B) Que se xunta relación de facturas polo importe da subvención concedida, xunto cos xustificantes bancarios da efectiva realización dos pagamentos correspondentes

C) Que os gastos que arriba se detallan son reais, foron aplicados ás finalidades para as que se concedeu a subvención e foron reflectidos nos libros contables da entidade.

D) Que á entidade á que represento lle foron concedidas, para as mesmas finalidades, as seguintes axudas ou subvencións:

Entidade concedente	Obxecto da axuda ou subvención	Importe €



Concello de As Somozas

E) Que o importe total das axudas ou subvencións recibidas en 2024 non superou o importe total dos gastos devengados.

F) Que se fixo a debida divulgación do financiamento por parte do Concello de As Somozas das actividades e investimentos subvencionados. Xúntase a efectos xustificativos un exemplar de toda a documentación impresa xerada polas actividades ou investimentos subvencionados.

G) Que a entidade á que represento está ó corrente coas súas obrigas tributarias co Estado, coa Xunta de Galicia e coa Seguridade Social, e non ten débedas de ningún tipo co Concello de As Somozas. Autorízase en calquera caso ó Concello de As Somozas a obter as certificacións necesarias desas Administracións Públicas.

Nos casos en que o cadro da conta xustificativa non sexa suficiente para confeccionala, deberase cubrir o documento anexo.

As Somozas, na data da sinatura electrónica.(Sinatura electrónica da persoa representante)

ANEXO

Número	Proveedor	CIF	Nº de factura	Concepto	Importe
				TOTAL	

E en proba de conformidade asina por duplicado exemplar o presente convenio, na data da sinatura electrónica.

